



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

SUMÁRIU KAZU | VIOLÉNSIA BAZEIA BA JÉNERU

Abril 2015

Introdusaun

Iha Abril 2015, Unidade Justisa ba Feto no Labarik (Women's and Children Justice Unit WCJU) kontinua monitoriza kazu violénsia bazea ba jéneru iha jurisdisaun sira iha Tribunál Distritál Dili, Oecusse no Baucau.

Iha edisaun ne'e, sei sumariza kazu 22 ne'ebé julga iha tribunál hirak ne'e. Kazu 22 ne'e, kazu 11 involve ofensa ba integridade física simples ho natureza violénsia doméstika, kazu 4 involve krime maus tratus ba kónjuje, kazu 1 krime violasaun seksuál, kazu 1 krime tentativa violasaun seksuál, kazu 1 krime koasaun seksuál, kazu 1 krime ofensa ba integridade física simples, kazu 1 krime interruptsaun ba gravidéz, no kazu 2 involve krime infantisídiu.

Husi kazu 22 ne'e, JSMP públika deit kazu 16 tanba kazu 6 seluk publika ona iha sumáriu kazu edisaun Abril nian husi Tribunál Distritál Oe-cusse.

Entre kazu hirak ne'e, kazu 1 tribunál kondena ho pena prizaun, kazu 6 kondena ho pena prizaun maibé nia ezekusaun suspendidu, kazu 9 tribunál halo adiamentu tanbá parte interesadu sira la kumpri notifikasaun, kazu 2 tribunál absolve, kazu 4 seluk sei iha prosesu nia laran.

JSMP hanoin katak desizaun ba kazu ne'ebé julga ho Nú. Prosesu: 0050/13. PNSIC, representa progresu ida iha setór justisa tanba tribunál rekoñese no konsiente katak kualker forma violénsia seksuál iha relasaun intimu saída deit nu'udar krime tuir enkudramentu legal Timor-Leste nian.

JSMP hanoin katak desizaun ne'e nu'udar rekoñesimentu ida ba violasaun seksuál ne'ebé akontese entre feen ho laen no relasaun ho forma intimu sira seluk.

Ho kazu ne'e, JSMP enkoraza ema hotu liu-liu membru familia ne'ebé hetan krime hanesan atu lori ba tribunál hodi prosesa tuir lei ne'ebé vigor nune'e bele prevene krime hanesan akontese iha uma laran. JSMP mós husu ba ema hotu atu konsenti hodi hado'ok hahalok hanesan hasoru nia membru familia, namoradu ka ba ema seluk tanba viola ema nia direitu integridade pesoal no direitu atu halo relasaun iha liberdade no mutual. Tuir mai deskripsaun sumáriu julgamentu ba kazu kompletu:

**1. Krime ofensa ba integridade física simples ho natureza violénsia doméstika- Nú.
Prosesu: 1021/11. PDDIL**

Kompozisaun tribunál : Singular
Juis : Dra. Jumiaty Freitas
Ministériu Públiku : Dr. Bartolomeu de Araújo (prokurador estajiáriu)
Defeza : Dr. Estaquie Guterres (defensória públiku estajiáriu)
Konkluzau : Sei kontinua prosesu

Iha 22 Abril 2015, Tribunál Distritál Dili julga krime violénsia doméstika ne'ebé involve arguidu JSA hasoru nia oan feto (MoS no nia feen (AS), iha Distritu Dili.

Ministériu Públiku akuza katak iha 13 Abril 2011, arguidu tebe dala ida iha MoS nia reen-toos, tuku dala ida iha lezada AS nia kabas, basa dala ida iha hasan sorin los no dada lezada nia fuuk. Kazu ne'e akontese tanba, arguidu bolu MoS atu ba kuru bee maibé lezada lakohi, tanba ne'e mak arguidu hirus no AS dehan ba arguidu katak labele baku labarik tanba nia sei kiik.

Aktu ne'e rezulta lezada MoS sofre moras iha nia reen-toos no halo lezada trauma, enkuantu lezada AS sofre moras iha hasan, kabas no ulun.

Ministériu Públiku akuza arguidu kontra artigu 145 Kódigu Penál kona-ba ofensa ba integridade física simples konjuga ho artigu 35 Lei Kontra Violénsia Doméstika.

Iha tribunál, arguidu konfesa integralmente ba faktus husi akuzasaun, arepende nia hahalok, deklara mós katak diak malu ona ho lezada nain rua no promete sei la komete tan krime hanesan iha futuru.

Depoide tribunál konfirma ho lezada AS kontinua reforsa akuzasaun ministériu públiku, no deklara mós katak depoide akontesimentu sira diak malu kedas.

Iha alegasaun finál, ministériu públiku husu ba tribunál atu kondena arguidu ho pena prizaun fulan 6 suspende ba tinan 1.

Enkuantu defeza husu ba tribunál atu fó pena ne'ebé kmaan tanbá arguidu konfesa, arepende nia hahalok, diak malu ona ho lezada sira, premeiraves komete krime no responsabiliza ba nia familia.

Depoide rona tiha alegasaun husi parte sira, tribunál marka fali agenda julgamentu ba leitura sentensa iha 5 Maiu 2015, iha tuku 11:00 dadersan.

2. Krime violásaun seksuál - Nú. Prosesu: 0050/13. PNSIC

Kompozisaun tribunál : Kolektivu
Juis : Dr. Antonio Helder do Carmo (representa juis kolektivu)
Ministériu Públiku : Dra. Simoa da Costa (prokuradoria estajiáriu)

Defeza : Dr. Marcelino Marques Coro (defensória pública estajáriu))
Konkluzau : Kondena arguidu ho pena prizaun.

Iha 23 Abril 2015, Tribunál Distritál Dili prejide leitura akordaun no kondena arguidu FC ho pena prizaun tinan 8 tanba provadu komete krime violasaun seksuál hasoru nia namorada, iha Distritu Liquiça.

Ministériu Públiku akuza arguidu kontra artigu 172 Kódigu Penál kona-ba krime violasaun seksuál.

Iha julgamentu arguidu nega faktu sira iha akuzasaun no deklara katak arguidu ho lezada nu'udar feen ho laen no sira hela hamutuk durante tinan 2 ona. Arguidu mós deklara katak hola ona rai no halo uma ida ba lezada.

Enkuantu lezada iha nia depoimentu kontinua konfirma faktu hot-hotu iha akuzasaun ministériu públiku nian no deklara katak durante ne'e arguidu no lezada iha relasaun namora deit laloos feen ho laen.

Tribunál prova katak iha 19 Juñu 2013, lezada hein hela kareta atu ba servisu fatin. Iha momento ne'eba arguidu tun husi taxi no dada lezada tama ba taxi laran, lori lezada ba iha parte Liquiça nian. Wainhira too iha fatin izoladu ida, arguidu para tiha taxi no haruka lezada tuur iha kotuk, arguidu hahu kaer iha lezada ninia isin, no obriga hodi halo relasaun seksuál ho lezada.

Bazeia ba deklarasaun lezada, depoimentu husi testamuña LM, relatóriu mediku husi Pradet, tribunál konklui prosesu no kondena arguidu ho pena prizaun tinan 8.

3. Krime ofensa ba integridade física simples ho natureza violência doméstica-Nú. Prosesu: 0005/13. DIATR

Kompozisaun tribunál : Singular
Juis : Dr. José Maria de Araujo
Ministériu Públiku : Dra. Ivonia Maria Guterres
Defeza : Dr. Rui Manuel Guterres (defensória pública)
Konkluzau : Adia

Iha 23 Abril 2015, Tribunál Distritál Dili adia julgamentu ba krime violência doméstica ne'ebé involve arguidu FdA hasoru nia feen, iha Distritu Dili.

Julgamentu adia sem marka data foun tanbá arguidu, lezada no testamuña sira ne'ebé tribunál notifika ona la marka prezansa.

4. Krime ofensa ba integridade física simples ho natureza violência doméstica - Nú. Prosesu: 0189/13. DIBCR

Kompozisaun tribunál : Singular

Juis : Dr. José M. de Araujo
Ministériu Públiku : Dra. Ivonia Maria Guterres
Defeza : Dr. Manuel Exposto (defensória públiku)
Konkluzau : Adia

Iha 24 Abril 2015, Tribunál Distritál Dili adia julgamentu ba kazu krime violénsia doméstika ne'ebé involve arguidu XG hasoru nia feen, iha Distritu Liquisa.

Julgamentu adia ba iha 22 Juñu 2015 tuku 9:30 dadersan tanba lezada ne'ebé tribunál notifika tiha ona la marka prezensa tanba moras. Tanba ne'e tribunál; adia fali ba julgamentu movél iha Distritu Liquisa.

**5. Krime ofensa ba integridade fízika simples ho natureza violénsia doméstika - Nú.
Prosesu: 0182/13/PDDIL**

Kompozisaun tribunál : Singular
Juis : Dra. Jacinta Correia da Costa
Ministériu Públiku : Dr. Pedro Baptista (prokuradór estajiaru)
Defeza : Dr. Rui Manul Guterres (defensória públiku)
Konkluzau : Sei kontinua prosesu.

Iha 24 Abril 2015, Tribunál Distritál Dili julga krime violénsia doméstika ne'ebé involve arguidu VN hasoru nia feen, iha Distritu Dili.

Iha julgamentu tribunál direita ba rona deklarasaun husi lezada kona-ba agresaun ne'ebé arguidu halo hasoru lezada.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha julgamentu ne'e, lezada informa ba tribunál katak iha 14 Maiu 2013 arguidu baku lezada, buti iha nia kakorok no riba ba parede. Kazu ne'e akontese, tanba fetu telefone no fo parabens ba arguidu iha lora ne'ebé arguidu nia tinan, lezada husu tuir mak arguidu hirus.

Iha 15 Maiu 2013 arguidu tuku iha lezada nia reen-toos, silu liman fuan boot, tebe iha kidan, buti iha kakorok no kaer lezada nia liman soe ba uma laran. Aktu ne'e rezulta lezada nia oin bubu no metan.

Lezada deklarata katak arguidu baku bebeik, maibe nia la hato'o keixa tanba hakarak atu proteje sira-nia familia. Arguidu kuandu lanu sempre halo problema, kuandu oin mos di'ak loos no respeito ema hotu. Wainhira arguidu hatene katak prosesu ne'e iha tribunál, arguidu mós telefone no ameasa bebeik lezada.

Iha alegasaun finál, ministériu públiku dehan arguidu la koopera ho justisa no ameasa bebeik lezada. Ministériu Públiku hanoin katak atu halo prevensaun ba krime violénsia doméstika, husu ba tribunál kondena arguidu ho pena prizaun tinan 3 no suspende ba tinan 5.

Enkuantu defeza haktuir katak arguidu lanu mak komete aktu ne'e, tanba ne'e husu atu pena ne'ebé kmaan ba arguidu.

Depoide rona tiha alegasaun husi parte sira, tribunál marka fali agenda leitura sentensa iha 04 Maiu 2015, oras 15:00 loraik.

6. Kazu krime ofensa ba integridade física simples ho natureza violénsia doméstika - Núc. Prosesu:0479/12.DICMR/718/14.TDDIL.

Kompozisaun tribunál : Singular
Juis : Dra.Fransisca Cabral
Ministériu Públiku : Dr. Reinato Bere Nahak
Defeza : Dr. Marselino Coro
Konkluzau : Adia

Iha 7 Abril 2015, Tribunál Distritál Dili adia julgamentu ba kazu violénsia doméstika ne'ebé involve arguidu JFS hasoru nia feen, iha Distritu Dili.

Julgamentu ba kazu ne'e, adia fali ba loron 03 Juñu 2015 tuku 14:00 lokoraik, tanba arguidu ne'ebé tribunál notifika ona la kumpri notifikasaun. Tribunál mós sei hasai mandadu detensaun ba arguidu no iha loron 5 nia laran mak arguidu la justifika nia falta no sei selu multa US\$ 10.00.

7. Krime maus tratus ba kónjuje - Núc. Prosesu: 0154/12/PDDIL/569/14/TDDIL.

Kompozisaun Tribunál : Kolektivu
Juis : Dr.Antonio Helder do Carmo (reprezenta juis koletivu)
Ministériu Públiku : Dr. Nelson de Carvalho
Defeza : Dr. Manuel Lito Exposto (defensória públiku)
Konkluzau : Adia

Iha 13 April 2015, Tribunál Distritál Dili mós adia julgamentu ba kazu krime maus tratus ba kónjuje ne'ebé komete husi arguidu LL hasoru nia feen iha Distritu Dili.

Julgamentu ba kazu ne'e, adia ba 17 Agostu 2015 tuku 14 :00 lokraik, tanba lezada ne'ebé tribunál notifika, la kumpri notifikasaun husi tribunál.

8. Krime ofensa ba integridade física simples ho natureza violénsia doméstika - Núc. Prosesu: 0067/13/PDDIL.

Kompozisaun tribunál : Singular
Juis : Dra. Zulmira Auxiliadora Barros da Silva
Ministériu Públiku : Dr. João Martins (prokurador estajiáriu)
Defeza : Dra. Olga Barreto Nunes (defensoria públiku)
Konkluzau : Adia

Iha 20 April 2015, Tribunál Distritál Dili adia julgamentu ba kazu krime violénsia doméstika ne'ebé involve arguidu SCR hasoru nia feen, iha Distritu Dili.

Julgamentu ba kazu ne`e, adia ba 24 Jullu 2015 tuku 3 :00 lokraik, tanba arguidu ho lezada la kumpri notifikasaun husi tribunál.

**9. krime ofensa ba integridade fízika simples ho natureza violénsia doméstika - Núc.
Prosesu: 0071/14/LIBZT**

Kompozisaun tribunál : Singular
Juis : Dr. José Maria de Araujo
Ministériu Públiku : Dra. Ivonia Maria Guterres
Defeza : Dr. Manuel Litu Exposto
Konkluzau : Adia

Iha 24 Abril 2015, Tribunál Distritál Dili mós adia julgamentu ba kazu krime violénsia doméstika ne'ebé involve arguidu XG hasoru nia feen, iha Distritu Dili.

Julgamentu ba kazu ne`e adia ba 22 Juñu 2015 tuku 9.30 dader tanba lezada la bele marka prezensa tanba moras. Julgamentu tuir mai sei hala'o iha julgamentu movel iha Distritu Liquisa.

**10. Krime ofensa ba integridade fízika simples ho natureza violénsia doméstika - Nú.
Prosesu: 0031/13.DICMR/785/14.TDDIL**

Kompazisaun tribunál : Singular
Juis : Dr. Nasson Sarmiento (juis estajiáriu)
Ministériu Públiku : Dra. Lidia Soares
Defeza : Dr. Estaquie Guterres
Konkluzau : Sei kontinua prosesu

Iha 17 Abril 2015, Tribunál Distritál Dili julga krime violénsia doméstika ne'ebé involve arguidu SAB hasoru nia feen, iha Distritu Dili.

Ministériu Públiku akuza katak iha 28 Janeiru 2013, maizumenus tuku 4.30, arguidu rasta lezada nia fuk ba to'o lezada nia maun nia uma. Aktu ne'e rejulta kanek no bubu iha lezada nia ulun, no hetan tratamentu iha óspital.

Motivu husi akontesementu ne'e tanba arguidu gasta osan husi uma ne'ebé arguidu faan maibe lezada la hatene.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples no konjuga ho artigu 2, 3 no 35 Lei Kontra Violénsia Doméstika.

Iha tribunál, arguidu konfesa intregralmente ba faktus iha akuzasaun, depoisde akontesimentu iha lokraik ne'e kedas arguidu ba buka lezada no husu deskulpa.

Aleinde ne'e, lezada kontinua reforsa akuzasaun husi ministériu públiku, no deklara katak iha akontesimentu ne'e arguidu ho kondisaun lanu todan. Depoisde akontesimentu ne'e arguidu ba buka kedas lezada hodi husu deskulpa perante familia.

Iha alegasaun finál, ministériu públiku husu ba tribunál atu kondena arguidu ho pena prizaun fulan 6 suspende ba tinan 1.

Enkuantu defeza husu ba tribunál atu konsidera sirkunstansia atenuante sira hanesan, arguidu premeiraves komete krime no kolabora diak ho tribunál. Tanba ne'e husu ba tribunál atu fó pena ne'ebé adekua ba arguidu.

Depoisde rona tiha alegasaun husi parte sira, tribunál marka fali agenda ba leitura sentensa iha 24 Abril 2015 iha tuku 11.00 dader.

**11. Krime ofensa ba integridade fízika simples ho natureza violénsia doméstika - Nú.
Prosesu: 296/14.TDDIL**

Kompozisaun tribunál	: Singular
Juis	: Dr. José Maria de Araújo
Ministériu Públiku	: Dra. Lidia Soares
Defeza	: Dr. José da Silva (defensória públiku)
Konkluzau	: Sei kontinua prosesu

Iha 4 Abril 2015, Tribunál Distritál Dili julga krime violénsia doméstika ne'ebé involve arguidu NSC hasoru nia feen, iha Distritu Dili.

Ministériu Públiku akuza katak iha 4 Abril 2015, arguidu lori bikan tuda ba lezada nia hasan iha sorin loos nomós iha lezada nia tilun sorin loos. Aktu ne'e rejulta lezada hetan suku pontu 3 iha hasan parte loos no suku pontu 6 iha tilun parte loos.

Motivu husi akontesementu ne`e tanba lezada nia alin tu`ur iha jergen kuru bee ba tein nian, no arguidu hase maibé lezada lasimu.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples no konjuga ho artigu 2,3 no 35 Lei Kontra Violénsia Doméstika.

Iha tribunál, arguidu konfesa integralmente ba faktus iha akuzasaun, arguidu mós deklara katak komete aktus ne`e hasoru lezada tanba nervozu.

Iha lezada nia depoimentu, lezada kontinua reforsa faktu sira iha akuzasaun, katak arguidu komete duni aktu refere hasoru lezada no konfirmadu ho relatoriu mediku.

Iha alegasaun final, ministériu públiku haktuir katak arguidu provadu komete krime hasoru lezada, no reforsa ho relatoriu mediku, tanba ne`e husu ba tribunál atu kondena arguidu ho pena multa.

Enkuantu defeza husu ba tribunál atu fo pena admoestrasaun tanba hare ba sirkunstasia atenuante sira hanesan arguidu foin premeiraves komete krime, kolabora diak ho tribunál, arepende.

Depoizde rona tiha alegasaun husi parte sira, tribunál marka fali agenda ba leitura sentensa iha 17 Abril 2015, iha tuku 11:00 dader.

**12. Krime ofensa ba integridade fízika simples ho natureza violénsia doméstika- Nú.
Prosesu: 0221/14.PDDIL**

Kompozisaun tsribunál : Singular
Juis : Dra. Zulmira Barros da Silva
Ministériu Públiku : Dra. Ivonia Guterres
Defeza : Dr. Marçal Mascarinhas
Konkluzau : Kondena arguidu ho pena prizaun fulan 6 suspende ba tinan 1.

Iha 27 Abril 2015, Tribunál Distritál Dili julga krime violénsia doméstika ne`ebé involve arguidu DA hasoru nia feen, iha Distritu Dili.

Ministériu Públiku akuza katak iha 27 Abril 2015, arguidu tuku dala 2 iha lezada nia kotuk laran, no tebe dala ida iha kotuk laran. Kazu ne`e akontese lezada kestiona relasaun entre arguidu ho ema ne`ebé mate no arguidu ba asiste nia serimonia funeral. Tanba ne`e mak halo arguidu nervozu hodi komete aktu ne`e hasoru lezada.

Iha tribunál, arguidu konfesa integralmente ba faktus iha akuzasaun, deklara mós katak arepende, no sei la komete tan aktu hanesan iha futuru.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 2,3 no 35 Lei Kontra Violénsia Doméstika.

Bazeia ba faktus provadus ne`ebé mak produz durante julgamentu, tribunál konklui prosesu ne`e no kondena arguidu ho pena prizaun fulan 6 suspende ba tinan 1.

**13. Kazu krime ofensa ba integridade fízika simples ho natureza violénsia doméstika –
Núc. Prosesu: 0047/14.DICMR/1304/14.TDDIL**

Kompozisaun tribunál : Singular
Juis : Dra. Maria Modesta (juis estajiáriu)
Ministériu Públiku : Dra. Ivonia Maria Guterres
Defeza : Dra. Agustina de Oliveira (defensória públiku estajiáriu)
Konkluzau : Adia

Iha 22 Abril 2015, Tribunál Distritál Dili adia julgamentu ba kazu krime violénsia doméstika ne`ebé involve arguida DF hasoru nia laen, iha Distritu Dili.

Tribunál adia julgamentu ba kazu ne`e sein data fíksu, tanba tribunál notífika ona maibé arguidu la kumpri notifikasaun.

14. Kazu krime ofensa ba integridade fízika simples - Núc Prosesu: 0652/14.TDDIL

Kompozisaun tribunál : Singular
Juis : Dra. Jacinta Correia
Ministériu Públiku : Dr. Reinato Bere Nahak
Defeza : Dra. Joana da Silva (defensória públiku estajiáriu)
Konkluzau : Adia

Iha 22 Abril 2015, Tribunál Distritál Dili adia julgamentu ba krime ofensa ba integridade fízika simples ne`ebé involve arguidu FARS hasoru nia prima, iha Distritu Dili.

Julgamentu ba kazu ne`e tribunál adia ba iha dia 7- Maiu -2015, tanba juis titular ba kazu ne`e hala`o hela julgamentu ba kazu koletivu.

15. Kazu krime infantisídiu - Nú. Prosesu:1236/14.TDDIL

Kompozisaun Tribunál : Koletivu
Juis : Dr. José maria de Araujo.
: Dra. Fransisca Cabral
: Dra. Maria Modesta (juis estajiáriu)
Ministériu Públiku : Dr. Vicente Brito
Defeza : Dra. Olga Nunes (defensória públiku)
Konkluzau : Absolve

Iha 14 April 2015, Tribunál Distritál Dili prejide leitura akordaun no absolve arguida AdS, tanba la provadu komete krime infantisídiu, iha Distritu Ermera.

Tribunál la prova katak, arguida buti bebe nia kakorok no laprova katak arguida la konsege fo susu ba bebe. Aleinde ne'e mezmu iha relatoriu mediku maibé la esplika klaru katak bebe ne'e mate tanba kauza husi buti.

Iha momentu ne'eba bebe moris foin halo fulan 6. Bebe ne'e mós konsege moris iha oras 8 nia laran no arguida ho ninia familia sira konsege lori bebe ba óspital iha tuku 9.00 no bebe ne'e mate iha tuku 13:00 iha óspital. Tanba bebe ne'e moris fulan sidauk to'o tuir lolos wainhira to'o iha óspital tenke tau iha inkuvator. Tanba ne'e labele salva bebe ne'e tanba hetan atendentu tarde husi óspital.

Depoisde avalia faktus sira ne'ebé mak produs durante julgamentu, tribunal konklui prosesu ne'e hodi absolve arguida husi krime ne'e.

16. Kazu krime infantisídiu - Nú. Prosesu: 1236/14.TDDIL

Kompozisaun tribunál	: Kolektivu
Juis	: Dr.José maria de Araújo (representa juis kolektivu)
Ministériu Públiku	: Dr.Vicente Brito
Defeza	: Dra. Marcia Sarmiento (defensoria públiku)
Konkluzau	: Konena arguida ho pena prizaun tinan 3 suspende ba tinan 3

Iha 2 April 2015, Tribunál Distritál Dili hala`o julgamentu ba kazu infantisídiu ne'ebé komete husi arguida NF, iha Distritu Dili.

Ministériu Públiku akuza arguida kontra artigu 142 Kódigu Penál kona-ba infantisídiu.

Tribunál prova katak iha 22 Marsu 2010 lokoraik, arguida sente kabun moras ba iha ailaran, derepente nia loke kalsa labarik monu tun ba rai, arguida tur tan bebe ne'e to'o mate. Tanba tauk arguida falun bebe ne'e ho faru koor matak no tau iha ai-hale nia koak.

Tribunál mós prova katak, durante arguida isin rua nunka hatete ba nia familia, wainhira nia familia husu tanba saida mak arguida nia isin lolon mesak ran, arguida foin deskobre katak partu ona bebe ida maibé bebe ne'e mate ona.

Tribunál konsidera faktus hotu-hotu provadu bazeia ba akuzasaun husi ministériu públiku, konfisaun arguida, no relatoriu mediku.

Depoisde avalia faktus provadus sira ne'ebé mak produs durante julgamentu, tribunal konklui prosesu ne'e no kondena arguida ho pena prizaun tinan 3 suspende ba tinan 3, selu mós kusta judisial US\$20,00.

Atu hetan informasaun kle'an favor kontaktu direktamente:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org